

Matvælaráðuneytið

Sent í samráðsgátt

Efni: Umsögn um drög að landbúnaðarstefnu – Mál no 30/2023

Vallanesi, 24. febrúar 2023


Drög um landbúnaðarstefnu inniheldur mörg markmið svo sem um að viðhalda lífræðilegum fjölbreytileika, sjálfbæra nýtingu auðlinda og hringrásarkerfi. Þessi markmið gefa tilefni til þess að efla lífrænan landbúnað hér á landi þar sem heilbrigði jarðvegs er lykilatriði auk þess sem lífræn ræktun er hringrásarkerfi í framkvæmd. Við teljum eðlilegt að setja það sem sjálfstætt markmið í stefnunni, að þróa lífrænan landbúnað og stefna að frekari vexti hans hér á landi t.d. í grein 5. (Hringrásarkerfi) enda er greinin mikilvæg fyrirmynd til þróunar í landbúnaði almennt.

Framtíðarsýn fyrir íslenskan landbúnað birtist í upphafi tillögunnar í liðum a- o. Við teljum það mikilvæga framtíðarsýn að landbúnaður sé tæknilega búinn til að geta tekið ákveðnari skref í átt að hringrásarkerfi, minni losunar og bættri jarðrækt, en til þess þarf greinin að hafa yfir viðeigandi tækjakosti að ráða. Aukin nýting lífrænna áburðarefna kallar á nýjar fjárfestingar hjá flestum bændum. Með umhverfisvænni tækjavæðingu má auka afköst og framleiðni í öllum landbúnaði. Þetta er auk þess mikilvægt til að skapa nútímalega grein sem ungt fólk getur hugsað sér sem vinnuumhverfi. Við leggjum því til að þessu verði bætt við þá birtingarmynd sem stefnt skuli að, enda hefur fjármagn og tækjastuðningur verið af skorum skammti í landbúnaði.

Í lið 1. um framtíðarsýn segir “Framfarir í landbúnaði ráðist af nýrri tækni á grundvelli nýsköpunar og hagnýtra rannsókna”. Félagið vill árétt að framfarir geta ekki orðið á kostnað vistkerfa, lífríkis og sjálfbærni í víðum skilningi og rétt að stefnan árétti það.

Í stuðningskerfi landbúnaðarins er mikilvægt að ekki gæti ósamræmis í ráðstöfun styrkja og stefnulegum markmiðum. Þar sem umrædd drög hafa sjálfbæra landnýtingu að markmiði er mikilvægt að t.d. jarðræktarstuðningur hvetji ekki til þaulræktar og efnanotkunar, heldur stuðli að skiptiræktun umhverfisvænum aðferðum. Í dag er enginn greinarmunur gerður á þessu þegar kemur að almennum styrkveitingum í landbúnaði sem gengur gegn grunnmarkmiðum stefnunnar um sjálfbærni.

F.h. stjórnar VOR



Eygló Björk Ólafsdóttir, formaður